

## **Peqqussutissatut siunnersuummut nassuiaatit**

### **Oqaaseqaatit nalinginnaasut**

#### 1. Aallaqqaasiut

Inatsisartut Ombudsmandiata Inatsisartut Naalakkersuisullu nalunaarfigai

Inissiani attartortittakkani ineqarnermut tapiliutit pillugit Inatsisartut peqqussummi isumaginninnermut suliani nalinginnaasumik naammagittaalliteqarsinnaalernerup kommuunit aalajangigaanut naammagittaalliorsinnaanermi killiliussat, inissiani attartortikkani ineqarnermut tapiliutit pillugit Inatsisartut peqqussutaat atuuttoq malillugu atorunnaarsinneqarnersut ersarluttoq.

Isumaginnittoqarfiup aqunneqarnera aqqissuussaanageralu pillugit Inatsisartut peqqussutaanni § 8. imm. 1, naammagittaalliteqarsinnaalernerup kingunerimmagu inissiani attartortikkani ineqarnermut tapiliutit pillugit Inatsisartut peqqussutaanni § 14-imi allassimasutut maalaaruteqarnissamut killilersuutit taamaalillutik atorunnaarsinneqarsimanersut erserlupput.

Inissiani attartortittakkani ineqarnermut akiliummut tapiissutit pillugit Inatsisartut peqqussutaanni § 14'p allannguutissaatut siunnersuummi qulakkearniarneqarpoq naammagittaalliorsinnaanermut aalajangersakkap isumaginninnermut tunngasuni maalaaruteqarsinnaanermut malittarisassanit nalinginnaasunit allaanerussuteqannginninnissaa.

#### 2. Siunnersuummi immikkoortunut pingaarnernut nassuiaatit

Allannguutissatut siunnersuummi siunertarinearpoq inissiani attartortittakkani ineqarnermut akiliutinut tapiliussat pillugit Inatsisartut peqqussutaanni aalajangersakkat malillugit aalajangikkanut naammagittaalliorsinnaanermut aalajangersakkap annertusitinneqarnissaa. Inatsisartut peqqussutaanni § 14'p allanngortinnerata kingunerisussaavaa isumaginninnermut tunngasunut maalaaruteqarnissamut malittarisassat nalinginnaasut aamma atorneqartalissammata inissiani attartortittakkani akiliutinut tapiissutit pillugit aalajangiisarnerni tamani.

#### 3. Pisortanut aningaasatigut aqutsinikkullu kingunerisassat

Allannguutissatut siunnersuut pisortanut aningaasatigut aqutsinikkullu kinguneqarnaviangilaq.

4. Namminersortunut aningaasatigut aqutsinikkullu kingunerisassat  
Allannguutissatut siunnersuut namminersortunut aningaasatigut aqutsinikkullu kinguneqarnaviangilaq.

5. Avatangiisitigut pinngortitamullu kingunerisassat  
Allannguutissatut siunnersuut avatangiisitigut pinngortitamullu kinguneqarnaviangilaq.

6. Innuttaasunut kingunerisassat  
Allannguutissatut siunnersuut nassatarisussaavaa inissiani attartortittakkani ineqarnermut akiliummut tapiissutit pillugit Inatsisartut peqqussutaanni maleruagassat malillugit aalajangikkat sulluunniit naammagittaalliutigineqalersinnaanissaat.

7. Naalagaaffeqatigiinnermut namminersornermullu tunngasut  
Allannguutissatut siunnersuut Naalagaaffeqatigiinnermut imaluunniit namminersornermik suliaqarnermut pingaaruteqanngilaq.

8. Oqartussaasut kattuffiillu tusarniaaffigineqarnerat  
Allannguutissatut siunnersuut tusarniaassutigineqarnikuunngilaq matumani naammagittaalliorsinnaatitaanerup annertusineqarnissaa taamaallaat pineqarmat, tassa naammagittaalliorsinnaaneq isumagininnermut tunngasuni naammagittaalliorsinnaanermut malittarisassanut nalinginnaasunut naapertuuttunngortillugu.

## **Peqqussutissatut siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

Naammagittaalliorsinnaanermik aalajangersakkap oqaasertaliornera atuuttoq killiliisuvoq matumani aalajangiinerit kommunip missingersuutigisimasai taamaallaat isumagininnermut maalaaruteqartarfimmut naammagittaalliutigineqarsinnaammata. Allannguinerup kingunerisussaavaa inissiani attartortittakkani ineqarnermut akiliummut tapiissut pillugu Inatsisartut peqqussutaat malillugu aalajangiinerit sulluunniit Isumagininnermut Maalaaruteqartarfimmut naammagittaalliutigineqarsinnaalissammata isumagininnermup aquneqarnera aaqqissuussaanelu pillugit Inatsisartut peqqussutaanni malittarisassat malillugit.

*§ 2-mut*

Siunnersuutigineqarpoq Inatsisartut peqqussutaat ulloq 1. juni 2007-imi  
atuutilissasoq.